

Allannguutissatut siunnersuut

uunga

Uunga siunnersuut: Nioqqutissanik eqqussuineq annissuinerlu pillugit Inatsisartut inatsisaata allanngortinneqarneranik Inatsisartut inatsisaat nr. x, xXx 2015-imeersoq
 (Timmisartuutileqatigiiffit ilaasui pillugit paassisutissat atortutigut elektroniskiusutigut takuneqarsinnaanissaat kiisalu akitsuuserisut inunnik scannerillutik misissuisinnaanissaat)

Pingajussaaneerinninnissamut Inatsisinut Ataatsimiitaliamit saqqummiunneqartoq.

Inatsisartut inatsisaannut qulequttap nassuaataanut

1. Inatsisartut inatsisaannut *qulequttap nassuaataa* ima oqaasertalerneqassaaq:
 ”(Ilaasut pillugit paassisutissat takuneqarsinnaanissaat, timimut scannerut, umiarsualivinni timmisartoqarfinnilu atortulersuutit pequtsersuutillu, aningaasat tigoriaannaat equnneqartut anninneqartullu amerlassusaannik killiliineq)”

§ 1-imut

2. § 1, nr. 3, ima oqaasertalerneqarpooq:

”**3. § 30-mi imm. 5-itut** nutaatut ilanngunneqarpoq:

”*Imm. 5.* Inatsisit naapertorlugit inuttut isigineqarsinnaasut imaluunniit inuit aningaasanik tigoriaannarnik 50.000 kr-it nalinginit amerlanerusunik nassiussisut nassitittulluunniit, aningaasat tigoriaannaat tamaasa Akileraaruseriffimmut nalunaarutigissavaat kingusinnerpaamik nassiussat akitsuuseqarfiusumut tikinneranni tassanngaanniilluunniit nassiunneranni.”

Imm. 5 matuma kingorna tassaalerpoq imm. 6.”

3. § 1-imi, nr. 5, aappassaaneerinninnermi inatsisisatut siunnersummut ikkunneqartoq, § 32a, imm. 2-tut ima oqaasertalerneqarpoq:

”*Imm. 2.* Nunat allat Kalaallillu Nunaata akitsuuteqarfiata akornanni ilaasunik angallassinermut aqqtinik pilersitsisoqarnerani akileraaruseriffik imminut akissaajaataanngitsumik ininik pisariaqartitanik atortulikkanik ilaasunik il.il. misissuinermet atorneqartussanik atugassiisoqarnissaanik piumasaqaateqarsinnaavoq. Taamaattorli atortussanut, tassani aamma atortulersuutinut tekniskiusunut ilaasunut il.il. taamaallaat atorneqartussanut akissaajaatit akileraaruseriffimmit isumagineqassapput.”

4. § 1-imi, normutut nutaatut ilanngunneqarpoq:

”**01. § 30, imm. 4,** ima oqaasertalerneqarpoq:

”Imm. 4. Inuit akitsuiteqarfimmut tikinnerminni tassanngaaniilluunniit aallalernerminni aningaasanik tigoriaannarnik 50.000 kr-it nalinginit amerlanerusunik nassataqartut tamatumunngaa kaammattorneqaqqaratik nammineerlutik misissorneqarnissamut saaffiginnissapput aningaasallu tigoriaannaat nassatatik tamaasa akileraaruseriffimmut nalunaarutigissallugit pisussaaffigaat.”

§ 2-mut

5. § 2 ima oqaasertalerneqarpoq:

”§ 2. Inatsisartut inatsisaat 1. januar 2016-imi atuutilissaq”

Allannguutissatut siunnersummut nassuaatit

Nassuaatit nalinginnaasut

Allannguutissatut siunnersuut Naalakkersuisut aappassaaneerinninnermi allannguutissatut siunnersuutaannut naleqqiullugu ukuninnga allannguutitaqarpoq:

1. Aningaasat tigoriaannaat eqquunneqarsinnaasut anninneqarsinnaasullu nalunaarutigisussaatitaasut amerlassusissaannut killiliussaq 15.000 euroniiit 50.000 kr-inut appartinneqarpoq. Tamanna aningaasanut tigoriaannarnut tikinnermi aallalernermiluunniit nassatanut kiisalu aningaasanut tigoriaannarnut nassiuusanut tunngatillugu.
2. Erseqqissaatigineqarpoq akileraaruseriffik, akileraaruseriffimmut akissaajaataanngitsumik, umiarsualivinni timmisartoqarfinnilu nunanut allanut attaveqaataasuni, ilaasunik il.il. misissuinernut atugassanik ininik atortulikkanik atugassiisoqarnissaanik piumasaqaateqarsinnaasoq, taamaattorli atortunut taamaallaat akileraaruseriffiup misissuineranut atorneqartussanut aningaasartuutit akileraaruseriffimmit namminermit aningaasartuutigineqarlutik.
3. Inatsisartut inatsisaata atuutsilerneqarnissaa 1. juni 2015-imiit 1. januar 2016-imut kinguartinneqarpoq.

Allannguutissatut siunnersuutip saqqummiunneqarnerata tunuliaqutaanut tunngatillugu Inatsisinut Ataatsimiititaliap UKA 2015/85-ip aappassaaneerneqarnissaanut isumaliutissiissutaanut innersuussisoqarpoq.

Allannguutissatut siunnersuut aningaasaqarnikkut allaffissornikkullu kinguneqassanngilaq.

Aalajangersakkanut ataasiakkaanut nassuaatit

Nr. 1-imut

Allannguutissatut siunnersuutip imarisai allannguutissatut siunnersuutikkut uannga allannguutissatullu siunnersuutikkut aappassaanerinninnermi saqqummiunneqartukkut annertusitinneqarput. Tamatuma nassataanik allannguutissatut siunnersuutip oqaasertalerneqarnerata naleqqussarneqarnissaa siunnersuutigineqarpoq.

Nr. 2-mut

Aningaasat tigoriaannaat nunamiit nunamullu nassiussat nalunaarutigineqartussaatitaasut amerlassusiannut killiliussaq 15.000 euroniiit (100.000 kr-it missaarlugit naleqartuniit) 50.000 kr-inut apparinnejassaaq.

Aningaasanik pinerluuteqarnermi isertitanik (soorlu ikiaroornartuerniarnermit) imaluunniit pinerluuteqarnermut atugassanik (soorlu ikiaroornartumik pisiniarnermut) eqqussuinermut annissuinermullu akornusiinissaq tamatuminnga siunertaavoq.

Nr. 3-mut

Umiarsualivinni timmisartoqarfinnilu nunanut allanut attaveqaataasuni ininik pisariaqartinneqartunik atortulersukkanik ilaasunik allanillu misissuinernut atugassanik atugassiisoqarnissaanik akileraaruseriffiup piumasaqaateqarsinnaaneranut tunngavissinneqarnissaa Naalakkersuisut siunnersuutigaat.

Atortussanut taamaallaat akileraaruseriffiup misissuinerneranut atatillugu atorneqartussanut aningaasartuutit akileraaruseriffimmit namminermit akilerneqarnissaat allannguutissatut siunnersummik erseqqissaatigineqarpoq.

Taamaalluni inimik timimut scannerimik pilikkamik timmisartoqarfimmit namminermit akilerneqartumik akileraaruseriffiup misissuinernerminut atugassiinissaanik, akileraaruseriffiup timmisartoqarfik pisussaafflersinnaassanngilaa.

Allannguutissatut siunnersuut Naalakkersuisut siunnersummik angorusutaannut naapertuuppoq, taakku inatsimmut nassuaatini nassuaatigineqarnerini.

Nr. 4-mut

Nunamut tikinnermi nunamiillu aallarnermi aningaasat tigoriaannaat eqqunneqartut imaluunniit anninneqartut nalunaarutigineqartussaatitaasut amerlassusiannut killiliussaq 15.000 euronit (100.000 kr.-it missaarlugit naleqartut) 50.000 kr.-inut apparitinneqassaaq.

Aningaasanik pinerluuteqarnermi isertitanik (soorlu ikiaroornartuerniarnermit) pinerluuteqarnermulluunniit atugassanik (soorlu ikiaroornartumik pisiniarnermut) eqqussuinermut annissuinermullu akiuiniarneq tamatuminnga siunertaavoq.

Nr. 5-imut

Inatsisissatut siunnersuutip atuutilerfissa (1. juni 2015) inatsisissatut siunnersuutip UPA 2015-imi akuersissutigineqarnissaa ilmagalugu aalajangersagaasimavoq. Inatsisissatulli siunnersuutip aatsaat UKA 2015-imi naammassillugu suliarineqarnissaata nassatarisaanik inatsisip aatsaat 1. januar 2016-imi atuutilernissaa siunnersuutigineqarpooq.